

Te whai hua - kia ora!

sorted
in Schools



Te Anga Ako

Te Anga Ako me te āhua o ngā
kōwae Paerewa Paetae katoa a
Te Whai Hua - Kia Ora!

NGĀ TAUMATA

1 me te **2**

NGĀ PAERewa PAETAe

91026
91263

Nau mai, haere mai!

Nau mai ki ngā kōwae Paerewa Paetae a Te Whai Hua - Kia Ora!

Mō Te Whai Hua - Kia Ora!

He hōtaka āheitanga ahumoni a Te Whai Hua - Kia Ora! e hāngai tika ana ki te Marautanga o Aotearoa, ā, he mea utu e te kāwanatanga. Ko tā Te Whai Hua - Kia Ora! he āwhina i ngā taiohi o Aotearoa ki te whakawhanake i ō rātou pūkenga moni, ā, kāore ōna utu.

He aha i hira ai ngā āheitanga ahumoni

He pūkenga whai take ā-oranga te whakahaere pai i ngā moni. Ko te tikanga o te āheitanga ahumoni ko te mōhio ki ngā mātauranga, ki ngā pūkenga, ā, e whakamanawa ana ki ngā whakataunga ahumoni pai, ahakoa te pakeke, ā, ka tutuki i a rātou ngā whāinga i ā rātou whakataunga. Heoi, e ai ki ngā rangahau, e whakaraerae ana te hunga 16-24 te pakeke ki te noho nama, ā, ka whakatōmuritia rātou i tēnei. Hei āpitihanga atu, ko te 80 ōrau hemihemi o te hunga i wehe i te kura i kī mai i hiahia rātou kia nui ake te whakaakongia o rātou ki ngā āhuetanga ā-moni i a rātou i te kura. E whakarerekē ana mātou i tērā! Ka āwhinatia koe e ā mātou rauemi kia tika ai te tīmata o tō hīkoinga ahumoni. Ki te wawe ake tō mōhio ki ngā mahi moni, ka rarawe ake tō hīkoinga i te ao nei.



Te pūtake o ngā kōwae Paerewa Paetae

He hoa ēnei kōwae Paerewa Paetae nō ngā rauemi a Te Whai Hua - Kia Ora!, e wātea ai tētahi huinga rauemi kore-utu ki ngā ākonga katoa kei ngā kura tuarua (tau 9-13):

- Ngā hei mahi mō ngā kura tuatahi/kura takawaenga
- Ngā rauemi mō ngā tau 9/10
- Ngā kōwae mō ngā Paerewa
- Ngā kōwae mō ngā Paerewa Paetae.

Ngā horopaki ako

E hāngai ana te kōwae NCEA Taumata Tuatahi ki te horopaki ako o tētahi ākonga e tīmata ana ki tētahi mahi, ā, me ako ia i ngā āhukatanga ā-moni pēnei i ngā āhukatanga o tana pepa utu, o ngā tāke, o KiwiSaver, me te whakamahere pūtea. Ka tūhuratia te whakaaro tau whaitake i ēnei horopaki.

E tautokona ana tēnā me tēnā kōwae NCEA Taumata Tuarua e ngā horopaki ako e tūhura ana i ngā take pāpori e hāngai ana ki te manarite-kore me te tairaru āhuarangi. Ko tā ēnei horopaki he whakatakoto i te tūāpapa ako, ā, he mea whakarite hei wero i ngā pōhēhē, i ngā whakapono me ngā whakaaro o te tangata.

Kei ngā kōwae katoa ngā 'Kaupapa a Sorted', ā, ka waia haere ngā ākonga ki aua kaupapa rā i a rātou e whakawhanake ana i ō rātou āheitanga ahumoni.

Ka whakaongaona ngā rauemi i ngā ākonga ki te wānanga, ki te whakaaro arohaehae, e pai ai tā rātou whakahāngai i ngā akoranga ki tētahi horopaki, ā, e mārāma kehokeho tonu ana i a rātou ngā herenga o te aromatawai.

Te mahere o ngā kōwae Paerewa Paetae

Kei te ripanga o raro tētahi tirohanga whānui ki ngā paerewa paetae e tautokona ana e ngā kōwae. Kei te ripanga ngā kaupapa a Sorted, ngā horopaki ako matua e noho ana hei tūāpapa mō ia kōwae, tae noa atu ki tētahi whakarāpopototanga o ngā kaupapa ako.

Te Kōwae Ako mō te Taumata Tuatahi

Te ingoa o te kōwae	Te Paerewa Paetae	Ngā kaupapa a Sorted	Ngā horopaki ako matua
He Mea Hira te Moni	<u>AS91026 Te whakamahi whakaaro tau whaitake hei whakaoti rapanga</u> E 4 ngā whiwhinga.	KiwiSaver Ngā nama Ngā whāinga Te whakahaere i aku moni	Te tīmata i te mahi.

Ngā kaupapa

Te mōhio ki tō pepa utu

Ngā āhuatanga māori o te pepa utu, te whakamahi i ngā tatau utu ki te tātai moni whiwhi, ngā hāora tuwhene, ngā tangohanga i tō utu, me te tātai i te tāke moni whiwhi.

Te hoko i ngā rawa me ngā ratonga

Te tāke hokohoko (GST), te tātai GST, te whakamahi ōwehenga ki te wehewehe pūtea.

Te tono moni taurewa

Ngā moni taurewa me ngā nama, te hoko harangote, tē tātai i te rerekētanga ā-ōrau, ngā moni taurewa ā-ākonga, me te raupapa paheko (BEMA).

Ngā whāinga ahumoni

Te pūtea penapena, te kuhunga tūmau, te huamoni whakaputu, me KiwiSaver.

Ngā rauemi āwhina i ngā whakataunga ahumoni

Ngā mahere pūtea, ngā whāinga SMART, te whakamahi mōhiotanga ā-tau ki te whakatika i tētahi mahere pūtea.

Te ingoa o te kōwae	Te paerewa paetae	Ngā kaupapa a Sorted	Ngā horopaki ako matua
Te Waihanga Uiui Pāngarau	<u>AS91263 Te waihanga i te uiui pāngarau</u> E 3 ngā whiwhinga.	Te penapena KiwiSaver Te haumi	Te tuakiri ahumoni Te tuakiri Māori me ngā waiaro ahumoni

Ngā kaupapa

Te pūtake me te hunga mā rātou ngā huinga raraunga o tō uiui pāngarau

He aha i pai ai ngā uiui pāngarau mō te kohi raraunga, te tiro whānui me te tūhuratanga tauanga āmio PPDAC, te tautohu i te pūtake me te hunga mā rātou te huinga raraunga o tō uiui.

Te tautohu i te taupori whāiti me te taupori ka tīpakona

Te tautohu i te taupori whāiti, te tataunga me te tīpakonga, te tīpakonga taupori, ngā anga tīpako, ngā hapa tauanga (tīpako me te tīpako-kore).

Ngā tikanga matatika i a koe e waihanga uiui pāngarau ana

Te whakatutuki i ngā paerewa matatika i a koe e waihanga uiui pāngarau ana, te pūata, te tūmataiti, te kauawhi, me te whakaae i runga i te mōhio.

Ngā momo pātai

Ngā momo pātai kati pēnei i te kōwhiringa taurea, ngā āwhata whakataunga, ngā āwhata Likert; ngā momo pātai kati pēnei i te hoahoa kupu me te whakaoti rerenga.

Te hira o ngā pātai papai

Te hono i ngā pātai ki te pūtake, te whakamahi i te reo more, me ngā āwhina whakatakoto.

Te whakaraupapa i tō uiui pātai

Ngā wāhanga o te uiui pāngarau pēnei i: te ingoa, te kupu whakataki, ngā tohutohu, te raupapatanga, te takoto, te whakahokinga kōrero, me te mihi.

Te whakahaere arotake whānui

Te hōmiromiro i te tātaki kupu, i te takoto, me ngā pātai o tō uiui hukihuki

Te whakahaere i te uiuinga whānui tōmua

Te pūtake o ngā uiuinga whānui tōmua, me ngā huarahi hei kohikohi i ngā whakahokinga kōrero.

Te huritao i te tukanga

Me pēhea te arotake i tō waihanga me tō tukanga uiui pāngarau.